

Peqqissutsimut Naalakkersuisoq  
Medlem af Naalakkersuisut for Sundhed

Inatsisartunut ilaasortaq  
Bitten Høegh-Dam



Maani

**Naalakkersuisunut apeqqummut allakkatigut akissuteqaat uunga tunngatillugu:** 6. november 2009  
**Kinguaariit nangittagaannik kræfteqarsinnaanermut misissortittarnerup ukiut** Sags nr.  
**tamaasa pisartup ukioq allortarlugu pisalersimanera aningaasanik sipaarner-** 2009-2009-123  
**mik tunngaveqarpa?** Dok.nr. 253228

Inatsisartunut ilaasortap apeqqutaanut qujavunga.

Kræfti (cancer) nappaataavoq, ameraasap allanngoriartorneratigut timimut imaluunniit aakkut qinersikkulluunniit unitsitassaangitsumik siaruaassinnaasartoq.

Kræftip suussusersinissaa sapinngisamillu piaartumik nakorsarneqarnissaa pingaaruteqarpoq siaaruaannissaa pinngitsoortinniarlugu aammalu inuinnarnissaa kingunerlutsitsinerillu minnerpaaffissaaniitinnissaat sapinngisamik qulakkeerniarlugit.

Naalakkersuisut kræftip atugaanera malinnaavigeqqissaarpaat, tamatumuunalu sullissinerup nukittorsaavigineqarnissaanut suleqataarusullutik. Naalakkersuisut erseqqissaatigissavaat suliassaqarfik tamanna sipaarniarfigineqanngimmat, taamaattumillu aamma kræftimut misissortittarnerit allannguuteqaratik sipaarniarneq pissutigalugu.

Kræftimik pinaveersaartitsinermi aalajangersimasumik periuseqarluni sulineq peqqinnissaqarfiup ataani ingerlanneqartarpoq. Kræftimik pinaveersaartitsineq ilisimasat immikkoortumilu suleriaaseq pitsaaanerpaaq ilisimaneqartoq naapertorlugit sulineruvoq.

Pinaveersaartitsilluni misissueriaasituaq, screening – seqersittaat atorlugu misissuisarneq - kittaartumik aalajangersimasumik ullumikkut kisiartaalluni ingerlanneqartartoq, ilukkut illissap paavanik misissuineruvoq. Taamaattumik apeqqummik paasinninnera malillugu kræftemik nappaat taanna pineqarsoraara.

Pinaveersaartitsinermi illissap paavatigut kræftimut misissortinnissamik neqeroruteqartarneq ullumikkut atuuttoq ukiut pingasukkaarlugit arnanut 18-iniit 65-inik ukiulinnut neqerorutaavoq. Tamatuma saniatigut niviarsiaqqat tamarmik HPV viru-

Postboks 1160  
Tlf: 34 50 00  
Fax: 32 45 47  
3900 Nuuk  
Email: pn@gh.gl

sit ilaannut, illissap paavatigut kræfteqalernissamut aallarniutaasinnaasutut pa-sitsaanneqartunut akiuussutissalerneqarnissamik neqeroorfigineqartarput. Suliniut tamanna 2009-mi aallartinneqarpoq. HPV virusimut akiuussutissaliisarnikkut illis-sap paavatigut kræfteqalersarneq piffissap ingerlanerani 70 %-it missaannik ikileri-artinneqarsinnaasoq ilimagineqarpoq.

Inuk kræftimut aallarniutaasinnaasumik nassaarfigineqarpat, imaluunniit inuup kræfeqarnera paasineqarpat, taava pisuni tamatigut misissorteqqittoqartarpoq ta-matumuunalu nakorsaanneri peruserineqartut malillugit aamma nakorsaasoqarluni.

Illissap paavatigut kræftertarneq kingornuttagaanngilaq. Kræftinik kingornussaasin-naasunik misissuisarneq malittarisassat, kræftinut ataasiakkaanut tulluussakkat, malillugit kræftimullu tassungarpiq pitsaanerpaamik nakorsaannissamut ilisimasat tunngavigalugit pisarpoq.

Neriuppunga apeqqutigisannut naapertuuttunik akissuteqarfigalutit.

Inussiarnersumik inuulluaqqusillunga

Agathe Fontain